

**Spørsmål frå Alexander Fosse Andersen (Sp) om tiltak for å hindre målbyte i den vidaregåande skulen**

Tysdag 23.02 var det møte mellom Noregs Mållag, Hordaland Mållag og politisk og administrativ leiing i Vestland fylkeskommune. Eit tema som dukka opp var målbyte i den vidaregåande skulen. Dette er eit tema som har vore diskutert i fylkeskommunen tidlegare og som heilt sikkert kjem til å bli sett på dagsordenen seinare òg. For å sette inn tiltak for å hindre ufrivillig målbyte treng ein kunnskap om kvifor målbytet skjer og kva tid det skjer. Som eit leiande nynorskfylke er det veldig viktig at Vestland aktivt jobbar for å leggje tilhøva til rette slik at ungdomar kan halde fram med ynskt skriftspråk.

Eg har difor desse spørsmåla til opplæringsdirektøren:

1. Kva kunnskap har ein om årsaker til målbytet mellom grunnskulen og vidaregåande?
2. Kva tiltak gjer Vestland fylkeskommune for å hindre ufrivillig målbyte mellom grunnskulen og vidaregåande?
3. Kva tiltak ser opplæringsdirektøren føre seg at fylkeskommunen kan gjere?

Med beste helsing

Alexander Fosse Andersen

Vestland Senterparti